



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Dilectus meus candidus, & rubicu[n]dus.

urn:nbn:de:hbz:466:1-34445

ter eius eburneus, distinctus saphyris. Cru-
ra illius columnæ marmoreæ, quæ funda-
tæ sunt super bases aureas. Species eius
ut libani, electus, ut cædri. Guttur illius su-
auissimum, & totus desiderabilis. Talis est
dilectus meus, & ipse est amicus meus, fi-
liæ Hierusalem.

Tale tuum nobis carmen diuina prophetes.

Quale sopor fessis in gramine, quale per æstû,
Dulcis aquæ saliente sitim restringere riuo.

¶ Hoc tuum carmen uere pulcherrimum, & si-
cut dicitur, ita est Canticum Canticorum. Nihil
amici libentius audierint, nihil adolescētula, de-
lectabilius acceperint, quæcunq; habet aures au-
diendi sensumq; promptum, quo legitimū car-
men discernere possint. Dixisti qualis dilectus
sit, & miras qualitates eius, breuiter quidem, s; delectabiliter exposuisti, sicut habet se ipsa ueri-
tas rei, sicut omnes conionanter prædicant scri-
pturæ ueritatis.

¶ Dilectus meus candidus, & rubicundus.

¶ Unde candidus, & unde rubicundus? Nimirum
candidus sanctitate, rubicundus passione. Dicat
aliquis: Si ergo candidus, quare rubicundus?
Si sanctus, quare passus? Hoc enim admirans
spiritus sanctus in David, cum dixisset: Beatus
uir qui non abiit in consilio impiorum, & in uia
peccatorum non stetit, & in cathedra pestilentie
non sedit, &c. quibus utiq; uerbis designauit, eū
fore candidum, s. immunem ab omni nigredine

Palmo, 1.

L

Rom. 5.

eius in quo oēs peccauerunt: erant enim in lumbis eius, quando abiit in consilio impiorum, & stetit in uia peccatorum, & sedit in cathedra pestilentiae, cogitando malum, & transgrediendo mandatum, & defendendo siue in posteros suos trans fundendo hereditarium peccatum suum, subiit atque ait: Quare fremuerunt gentes, & populi meditati sunt inania: Astiterunt reges terrarum, & principes conuenerunt in unum, aduersus dominum & aduersus Christum eius? Et est sensus: Cum ita fuerit candidus & omnino immaculatus: quare ita conuenerunt & suo illum sanguine rubicundum fecerunt? Et in Esaia: Quare ergo rubrum est indumentum tuum, & uestimentum tuum sicut calcamentum in torculari? Præmisserat enim, ego qui loquitur iustitiam, & propugnator sum ad saluandum, quod est uere esse candidum, uere immaculatum. Statimque & hoc dicitur electus ex milibus: ibidem subiungitur, torcular calcaui solus.

Psalm. 2.

¶ Ergitur quærimus & nos, siue adolescentula, quæ nondum ad plenum didicerunt, sed adhuc discunt tantum Sacramentum: Si ergo candidus, quare rubicundus? Si sanctus, quare passus? & respondent nobis amici ueteres ac noui: Quia uulneratus est propter iniquitates nostras, attritus est propter scelera nostra; sed proprio filio suo non peccit deus: sed pro nobis omnibus tradidit illum, & ipse dilecti dilectus propter peccata (inquit) populi mei percussus eum.

Esa. 63:

Esa. 53:

Rom 8

Esa. 53

¶ Quibus autem ex milibus est dilectus, nisi ex sanctis omnibus? Et in quo electus, nisi in eo, ut illud faceret solus, ad quod faciendum nullus al-

lorum fuit idoneus? Hinc enim apud Esaiam, cum de uniuersitate sanctorum, quæ una ciuitas est, quæque in ADAM cecidit, præmissum fuisse: Eleuare eleuare consurge Hierusalé, quæ bibisti de manu domini calicem iræ eius, & usque ad fundum calicem soporis bibisti: protinus infirmitas cunctorum milium quanta fuerit, his uerbis quæ subiuncta sunt, demonstratur. Non est qui sustentet eam ex omnibus filijs quos enutriuit.

Esa, 51

I. Cor. 15.

¶ Amplius autem ad ipsam cōuersus dicit: Filij tui proiecti sunt, dormierunt in capite omnium uiarum, sicut bestia illaqueata, pleni indignatione domini, & increpatione dei tui. Vere magna infirmitas cunctorum milium. Non solum non potuerunt sustentare Hierusalem, siue apprehendere manum eius; uerumetiam ipsi proiecti fuerunt & dormierunt in capite omnium uiarum sicut bestia illaqueata, uidelicet peccato illaqueati, peccato originali, & ob hoc pleni indignatione domini, pleni increpatione D E I, id est, & secundum animam mortui, & secundum corpus mortales effecti, nisi quòd in isto electo spes omnibus illis una residua fuit, quemadmodum sequens litera continuo repromisit. Hæc dicit dominator tuus dominus & D E V S tuus, qui pro populo suo pugnavit: Ecce tuli de manu tua calicem soporis, fundum calicis indignationis meæ. Non adicies, ut bibas illum ultra, et ponam illum in manu eorum qui te humiliauerunt. Hoc est opus electi, potuisse facere & fecisse, quod nullus alius fecit aut facere potuit,

RVP. IN CAN. CANT. CA. V.
quod est abstulisse de manu generis humani s.
omnium qui ad uitam erant præordinati, qui om-
nes dicuntur & sunt una Hierusalem, calicem
iræ & fundum calicis, id est, sententiam utrius-
q; mortis animæ & corporis. Vnde hoc illi, ut
talis uel tantus deberet esse electus? In quo dis-
cernitur? Quo differt a cunctis?

¶ Caput eius aurum optimum

Psal. 44.

¶ Hoc est eius proprium, & hinc est illud, quod
ueraciter esse dicitur, speciosus forma præ filiis
hominum: quia caput eius aurum est optimum
.i. principalis eius natura uera diuinitas est, ipse
est enim deus, Dei uerbum, quod erat in princi-
pio apud Deum. Nam deus erat uerbum. Ex du-
abus unus idemq; subsistit naturis, diuina. s. &
humana, & ob hoc diuina eius natura recte di-
citur caput, quia principium est, quemadmodum
quodam loco dicit: Ego principium qui & lo-
quor uobis. Quid tanti ponderis ut hoc aurum?
Quid tam pulchrum, ut hoc caput aureum?
Quid tam preciosum ut hoc uerbum? Ego dile-
cta pōdus auri huius ineffabiliter in memetipsa
persensi, quando de cœlo in uterum meum des-
cendit. Sed habet quandam de semetipso mirabi-
lem atq; inæstimabilem efficaciam, quo morta-
lis conditionis uterum fragilemq; hunc sexum
ita dulciter solidare nouit ac potuit, ut nō solum
non frangeretur, uerumetiam delectaretur pon-
dere eius paruitas uteri mei, cum sit ipse quem
tremūt angeli, quem totus non capit orbis, sub
quo curuantur (ait scriptura) qui portant orbē.
Efficacia hæc gratia eius est; sine qua nulla sub

Ioan. 2